



Inatsisartunut ilaasortaq, Aqqalu C. Jeremiassen, Atassut
/Maani

§ 37 naapertorlugu apeqqummut nr. 2024-94-imut akissut

Inatsisartut Suleriaasianni § 37, imm. 1 naapertorlugu ataani pineqartut Royal Greenlandip tulaassuina pillugu apeqquutit Naalakkersuisunut saqqummiuppatit.

Apeqqutigineqartut ataani akineqarput.

Apeqquut 1. Royal Greenlandip inissisimaffini atorlugu akiviusuniit qaffasinnerungaartumik tulaassuisuminut akiliisarsimanagera, taamatullu namminersortut unammillersinnaajunnaarsimmagit Naalakkersuisut pissusissamisoortutut isigivaat?

Aallaqqaasiullugu oqaatigissavara Royal Greenland Nunatsinni tunitsivinnik arlalinnik ammatitsinissamat pisussaaffeqarmat immikkullu ittunik atugassaqaartitsilluni tigooraasussaataammat, aamma ingerlatseqatigiiffiit allat sinneqartoorluni aningaasarsiorfinnik ingerlatsisinnaanatik isumaqarfigisaanni. Taamaalilluni Royal Greenlandip nunatsinni najugaqariaaserput malillugu inuiaqatigiinnit pigineqartumik ingerlatseqatigiiffittut ingerlatsinera eqquutsinniarnearpoq aalisartut innuttaasullu nunatsinnut iluaqutaasumik aningaasarsiuinnarsinnaanerannut iluaqutaasumik periarfissiilluni.

Akissut: Matumani § 37 naapertorlugu apeqqutigineqartut akinissaannut atugassanik Royal Greenland A/S-imit piniartoqarpoq, taannalu imatut akissuteqarpoq:

” Coronap nalaani nunarsuarmi saarullinnik niuffaffiit ajalusoortut, tuniniaanermilu akit appasittorujussuarmut inissillutik. Kalaallit Nunaanni ingerlatseqatigiiffiit amerlanerpaat saarullinnik pisiortornerminnik unitsitsippat, imaluunniit aki ima appartigalugu, aalisartunut saarullinniarnermik tunisisarnerat imminut akilersinnaajunnaarluni. Royal Greenland tunisisoqarneranik ammatitsiinnarpoq akillu naammaginatut aalajangersimallugit, taamaalilluni sinerissap qanittuani aalisartut saarullinniarnermik inuussutissarsiornermik ingerlanniassammassuk. Royal Greenlandimut tamanna qularnaatsumik pitsaasumik niuernerusimangilaq, taamaattorli sinerissap qanittuani aalisarnerup salliutinnissaa toqqarneqarpoq, naak Royal Greenlandimut annaasaqaataagaluartoq. Iliuutsivut inuiaqatigiinnut akisussaassuseqarluni ilionertut isigaavut. Royal Greenlandip saarullinnik

31-05-2024
Suliap normua 2024 - 99
All. normua. 24109654

Postboks 1015
3900 Nuuk
Oqarasuaat (+299) 34 50 00
Fax (+299) 32 50 02
E-mail: govsec@nanoq.gl
www.naalakkersuisut.gl

tigooraaniarnani aalajangersimasuuppagu akillu appasinnerpaatillugit, sinerissap qanittuani saarullinniartunut annertuumik tamanna kinguneqarsimassagaluarpoq."

Apeqquut 2. Royal Greenlandip ukiuni arlalinni iluanaarutaanngitsumik nipisaat suaannik pisisarsimanera Naalakkersuisuniit pissusissamisoortutut isigineqarpa?

Akissut: Matumani § 37 naapertorlugu apeqquutigineqartut akinissaannut atugassanik Royal Greenland A/S-imit piniartoqarpoq, taannalu imatut akissuteqarpoq:

"Suannik annaasaqarnerput ilumoorpoq. Annaasat uani eqqartorneqartut suannik suliaqarnitsinnut tamarmut attuumassuteqartunik aaqqissuussinitsinni ataatsimut ilanngaait peereerlugit aningaasartuutitsinnit tamanit inernerupput. Taamaattoq nipisat suaannik pitsaasumik matussusiinitsinnik allannguinnigilaq, taamaattoqartillugulu nipisat suaat inernerit angusamut pitsaasumik sunniuteqartarpoq, aningaasartuutitik ilanngartuinnigikkaangatta, ass. tunitsivimmik matusinikkut, tamannalu anguniakkatta ilagisimannigilaat. Ukiuni kingullerni tusagassiorfitsigut saqqummiunneqartarneratut RG-p nipisat suaannik tunisinerup aallartinnerani akinik aalajangersaasarpoq. Ingerlatseqatigiiffiit sinnerisa Royal Greenlandip akinik aalajangersaanissaa utaaqimaartarpaat, Royal Greenlandillu akigititai aalisartunut ileqquusumik akimik assigiimmik akilersuisarluni. Taamaallilluni Royal Greenland ingerlatseqatigiiffinnit allanik akiliinerusanngilaq, Royal Greenlandip akit aalajangertarpai, aamma ingerlatseqatigiiffinnut allanut."

Inussiarnersumik inuulluaqqusillunga



Múte Bourup Egede